

Txirritola

ARAMAIO / Barikua / 2005eko abenduaren 2a / 174. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Udalbideri laguntzearren errekurtsioa Udalaren kontra

UBANE MADERA

Laugarren aldiz errekurtsioa ipini du Estatuko abokatuak Aramaio Udalak hartutako erabaki baten kontra. Horren ondorioz, Udalak epaiketa edo bista izango du. Urtarrilaren 31n ipini dute hitzordua, Gasteizko Administrazioarekiko Auzietako Salan, 12:30ean.

Mertxe Mondragon alkatea bera joango da bistara, Aramaio Udalaren izenean. Esan digunez, Udalaren abokatuak dagoeneko badabilta Udalaren defentsa prestatzen.

ESKUMENAK ETA POLITIKA

Estatuko abokatuaren demandan arabera, 2005eko martxoan, Udalbide Elkarlan Elkarteari 2.400 euroko laguntza ematearren ipini diote errekurtsioa Udalari. Udalbide da Udalbiltzak sortutako elkarte.

Demanda arrazoitzeko, bi argudio ematen ditu Estatuko abokatuak: batetik, dirulaguntza hori ematea ez dela Aramaio Udalaren eskumena; eta bestetik, dio dirulaguntza horrekin



Orain arte beste hiru bider ipini diote errekurtsioa Udalari; argazkian, udaletxea.

Aramaio Udalak interes politikoak defendatzen dituela, interes publikoa defendatu behar. Halaber, Estatuko abokatuak zalantzan ipintzen du Udalbide elkartearen zilegitasuna.

LAUGARREN ERREKURTSIOA

Lehen esandako moduan, laugarren aldia da Estatuko aboka-

tuak Aramaio Udalaren kontrako errekurtsio bat ipintzen duela. *Berria* egunkariari dirulaguntza ematearren, preso senideei dirulaguntza ematearren eta preso aldeko pankarta bategatik ipini dizkiote beste hiru errekurtsioak. Hiru horietatik bat irabazi egin zuen Udalak (presoen senideena); beste bat galdu

egin zuen (*Berria* egunkariarena) eta hirugarrena (presoen aldeko pankartarena) bertan behera utzi zuten, formazko akatsengatik.

EUSKARAZ BIDALTZEAGATIK

Horrenbeste errekurtsoren aurrean, Aramaio Udalean susmoa dute ez ote dieten hori egingo Arabako herri bakarrenetarikoa delako Udaleko aktak euskaraz bidaltzen dituelako Gasteizko Gobernu Zibilera.

OSOKO BILKURA

Bestalde, Udaleko kontuekin segituz, eguaztenean ohiko osoko bilkura egin zuen udalbatzarrrak. Gai zerrendan, besteak beste, Zabola eta Untzilla auzoen arteko errepideko lanak zeini adjudikatu erabakitze zuten; Udalaren argazki lehiaketaren berri ematekotan ziren eta zenbait dirulaguntza aztertze zituzten zinegotziek. Horrez gainera, Jon Agirre presoaren aldeko mozio bat ere aztertu behar zuten.

Edozelan ere, albistea idaztean batzarra egin barik zegoenez, ez dugu jakiterik zein erabaki hartu duten zinegotziek.

LABUR

'Bide eginez' izeneko eztabaida aurkeztuko dute

Batasuna alderdiaren prozesuaren barruan egiten dabilta eztabaida aurkeztuko dute gaur. 19:00etan da hitzordua, kultura etxean. Besteak beste, alderdiko mahai nazionaleko kide batek egingo du berba. Antolatzaileek interesa duten herritar guztiak gonbidatu nahi dituzte.

Bagare lehiaketako kanporaketa eta finala, atzeratuta

Bagare bertsolari lehiaketako hirugarren kanporaketa, joan zen barikuan jokatu behar. bertan behera utzi zuten, eguraldi txarraren ondorioz. Antolatzaileek jakinarazi digutenez, kanporaketa hori abenduaren 9an jokatu dute, Gasteizen, Bagare elkartearen. Hor lehiatuko da Iker Agirre aramaioarra. Eta finala ere atzeratu egin dute; abenduaren 15ean izango da, Gasteizen, Ramon Bajo ikastetxean.

Etxez etxeko laguntzaile izateko bi lagun behar dira

Zuiako koadrilak egin du lanpostu bi horien deialdia. Haren arabera, bi pertsona behar dira Ubidean (Araba eta Bizkaia arteko mugan, Barazar hasi baino lehenago) etxetzeko laguntzaile izateko.

Bi baldintza eskatzen dituzte: etxetzeko laguntzaile titulua edo antzekoa eta esperientzia izatea.

Eskaini, berriz, honakoa eskaintzen dute: kontratua eta alta Gizarte Segurantzaren. Eta ordutegiari dagokionez, pertsona batek goizez egin beharko du lan eta besteak arratsalde. Bi kasuetan, bost orduko lanaldiak izango dira. Ordainsaria, berriz, adostu egin beharko dute.

Interesa duenak honako telefonora deitu behar du: 945 43 01 67 (Oihanarengatik galdetu).

Oletan ordezkari berriak aukeratu zituzten joan den domekan

U.M.

Kontzejuetako hauteskundeak egin zituzten Arabako Lurralde Historikoan. Eta Oletak kategoria hori du: kontzeju izaera. Horrek esan nahi du zenbait funtzio auzotarrek osatutako ordezkariak hartzen dituela, eta ez herriko Udalak.

Esaterako, oletarrek eurak arduratzen dira, batez ere, obrek in eta hirigintzarekin lotutako gaiekin, kultura kontuekin, aisialdikoekin... Hain zuzen ere, gai horien gainean eskaerak egiteko eskumena dute.

Hala, auzoaren funtzionamendurako ordezkariak izaten dute. Eta ordezkariak hori aukeratzeko hauteskundeak egiten dituzte lau urtean behin.

Bada, joan den domekan tokatzen zitzaizen oletarrei botoa emate-

tean, 11:00etatik 15:00etara bitartean. Auzoko alkatea eta batzordekidea aukeratu behar zituzten. 18 urtetik gorako 103 lagun zeuden errolatuta. Horietatik 35ek eman zuten botoa, Oletako elkartearen. Kandidatura jakinik ez zego-

enez, boto gehien eskuratu dituzten bi auzotarrek izango dira gainerako auzotarren ordezkari. Hala, auzotar batek 22 boto eskuratu zituen eta beste batek 18. Orain, biek bost eguneko epea dute karguak onartzeko edo atzera botatzeko. Bietako batek, Kepa Uribarren arrasatearrak, dagoeneko esan du onartuko duela.

Azken sei urteotan Esther Uriarte izan da auzoko alkate. Izan ere, orain dela bi agintaldi dimititu egin zuen alkateak, eta agintaldi haren azken bi urteetan eta hurrengo agintaldian, berriz, Esther Uriartek hartu zuen haren kargua.

Lau urterako izendatuko dituzte auzoko alkate eta batzordekide berriak, 2009ko azarora arte

Azken agintaldian eta aurrekoaren erdian, Esther Uriarte izan da Oletako alkatea

TELEFONOJAKINGARRIAK

OSASUNA / LARRIALDIK

Osasun etxea (txandak)	945 44 53 40
Boika	945 44 50 03
Udaletxea	945 44 50 16
Ertzaizua (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
08:15	07:50	08:05
	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: Izartxoan duten orduetan eskaeraren arabera zerbitzua eskaintzen dute. Auzotako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara: 629 54 59 23

OHARRAK

BARIKUKO ZINEMA

Oraingo honetan ez dute filmik emango bariku gauean.

DOMEKAKO ZINEMA

Abenturazko film bat aukeratu dute oraingo domekako umeen saiorako: *Batman Begins*. Izenburuak dioen moduan, superheroi ezagun horren gaineko filmaren bigarren zatia da. Akzio handia du. Besteak beste, Christian Bale, Michale Caine, Morgan Freeman eta Liam Neeson aktoreek parte hartzen dute, Christopher Nolan zuzendariaren gidaritzapean. Betiko moduan, saioa 17:00etan hasiko da.

UDALAREN OHARRA

Datorren astearen erdialdean bi jaiegun daudenez, Aramaioko Udaletik zera jakinarazi digute: udal-erakundeak zabalik izango dela astelehenean eta barikuan. Edo bestela esanda, martitzenean, eguaztenez eta eguenean itxi egingo dutela. Zabalik egongo den egunetan goizeko ordutegia izango du: 09:00etatik 14:00ak arte.

Haur eskola zerbitzua atzeratu egingo dela esan zieten gurasoei

U.M.

Joan den egunean, San Martin Eskolako umeen gurasoek batzarra izan zuten eskolan. Besteak beste, Haur Eskola zerbitzuaren gainean, alkateak jakinarazi zien enpresarik ez dela aurkeztu lan hori egiteko, eta horren ondorioz, atzeratu egingo dela zerbitzu hori Aramaion.

Mertxe Mondragon alkatearen esanetan, badirudi Haur Eskola zerbitzurako eraikina egiteko ezarri duten prezioarekin arazoren bat dagoela. Beraz, berriro ere tasatu eta berriro deitu beharko dute lehiaketa, obra hori adjudikatzeko.


ZUZENDARIAREN TXOSTENA

Horrekin batera, eskolako zuzendariaren, Blanka Mendialduaren txostenean, aurten ikasleak egiten dabilen proiektuak gogora ekarri zizkieten gurasoei. Horrekin batera, eskolan egiten dituzten jaiak, irteerak eta bestelako ekintza berezien berri ere eman zien. Kontuen balantzea ere egin zuten.

IRAKASLE BERRIAK ETA WEB ORRIA

Bestalde, eskolako irakasle berriak aurkeztu zituzten. Jakinarazi zuten, hemen ingurukoak dira, Eskoriatzakoak, Arrasatekoak eta Bergarakoak, hain justu ere. Oraingoan, aurtengo ikasturterako izango dira eskolan.

Era berean, Goieskolaren bitartez, San Martin Eskolak duen



Eskolako liburutegian egin zuten gurasoek batzarra, joan den egunean.

*Jakinarazi zuten
eskolako irakasle
berriak hemen
ingurukoak
direla*

*San Martin Eskolak
duen web orriaren
berri eman zuten:
'www.goieskola.net/
aramaio'*

web orria erakutsi eta haren erabilera esplikatuz zieten gurasoei. Helbidea honakoa da: www.goieskola.net/aramaio. Besteak beste, webgune horretan ikus daiteke eskolako egutegia; ikasleen ekin-

tzak argazki eta guzti; ikasleen lanak; gurasoendako txoko berezia ere bada... Oro har, eskolaren gaineko informazio dezente osotu eta eguneratua eskuratzeko aukera ematen duela esplikatuz zieten.

KOLABORAZIOA/San Martin Eskolako ikasleen ekarpena



Azaroa izan arren, elurpean ibili ginen

Gezurra dirudi oraindik udazkenaren izanik ere Aramaioko kaleak elurrez zurituta aurkitzea. Kontuak kontu, joan den barikuan, azaroaren 25ean, Aramaioko inguru guztiak, leku baxuenak ere, zuri-zuri eginda aurkitu genituen. Zapatuan elurra mara-mara bota zuen goiz guztian eta arratsaldera atertuz joan zen. Igandean, berriz, hotz handia egin zuen, baina ez zuen elur-mataza handirik bota; behealdean, gainera, euria egin zuen.

Urte honetan azkar hasi du elurra egiten. Ez du askorik egin, baina jolasteko adina bai. Horrela, gustura ibili ginen guztiok elur pilotaka. / 6. MAILAKO ASIER, IZAR, MIKEL ETA IZARO.

LABUR

Odola ematera joateko deialdia egin dute

Arabako Odol Bankutik egin dute deia. Hala, aramaiotarrek datorren eguaztenez, hilak 7, dute odola ematera joateko hitzordua. Ordutegia betikoa izango da: 16:30etik 20:00ak arte, anbulatorioan.

Txartel bat aurkitu dute kultura etxeko igogailuan

Udaletik helarazi digute ohar hori. Esan digutenez, ateak zabaltzeko txartel horietako bat da. Galdu duenak udal-erakundearen eska dezake, hantxe gorde dute-eta.

Xake eta briska txapelketak, gazteen eskutik

Aramaioko Tropikaleko Gazte Asanbladak antolatuta, bihar, zapatua, jokatuko dituzte xake eta briska txapelketak. 16:00etan hasiko dira, San Martin Eskolako jangelan. Parte hartzeko interesa duenak ez du izena eman beharrik, hantxe agertuta nahikoa du.

KZguneko ordutegia eta mintegiak

KZguneko tutoreak jakinarazi digunez, bi aste barru etorriko da Aramaioko KZgunera, hain zuzen ere, abenduaren 12an eta 16an, 16:00etatik 20:00etara. Tarte horretan, Internet erabili nahi duenak KZgunera joan besterik ez du.

Horrez gainera, bi egun horietarako honako mintegiak antolatuta dituela ere jakinarazi digu Aitor Madrid tutoreak: abenduaren 12an, *Enplegu bat lortu*. Internet erabilia lanpostuen berri zela izan esplikatuko du. Ikastaro hori 16:00etan hasiko da, 18:00ak arte. Interesa duenak badu lekua.

Abenduaren 16an, berriz, *Etxetik eros ezazu izeneko* mintegia egingo dute. Kasu honetan, Internet erabiltzen erakutsiko du, izenburuak dioen moduan, etxe bat erosteko. Hori 18:00etan hasiko da, 20:00ak arte. Interesa duenak hor ere badu lekua.

Informazio gehiago behar izanez gero, tutor.aramaio@kagunea.net helbidea erabil daiteke edo honako telefonora deitu: 943 79 94 44 (09:00etatik 13:00ak arte).